




BIBLIOTHECA
UNIV. JAGELL.
CRACOVENSIS

40076

Mag. S. D. P

Test. 3312.

Pracownikes Joannes: Quacertis de Angelis.



7.
QVÆSTIO
DE ANGELIS

À
M. IOANNE PRÆCZLAIDE

S. TH. Bacc. ad disputandum

in alma Acad: Cracouien. proposita.

Præsidente.

ADMODVM REVERENDO D.

MARTINO CAMPIO VADOVIO

S. Th. Doctore, publico Professore, eiusdemq;

Facult: DECANO, ad S. Floriani PRÆPOSITO.

In Lectorio DD. Theologorum ipsis Cal. Febr.
Anno Dñi M D XXj. Hora XIII.

CRACOVIA.

In Officina hæredum Iacobi Sybenecheri.



270.

1789A

SANCTIS ANGELIS
Præsidibus Regni
honor perpetuus.

Cælestes Proceres, quibus Præfecturæ prouinciarum à summo totius Orbis Principe datæ sunt, fauete, & coniuete; si mortalis de immortalibus, si terrena labe infectus, de puris, ac beatis mentibus balbutire audeat. Omnis nostra vita; omnia nostra studia, in vestra sunt tutela: sit fas de vobis dicere, quorum præsidio tegimur, beneficio iuamur, solatio recreamur. Vos estis, qui nuper, nutu ac voluntate summi Moderatoris mundi, à sacro Capite, cuius salute publica salus continetur, funestum ferrum reiecistis, qui Nationem laude fidei ac innocentiae semper florentem, parricidij infamia, vnius scelere contaminari prohibuistis; qui Rempub. diuturnis calamitatibus afflictam, à periculosa perturbatione ac confusione liberaastis. Quamdiu nos isto vestro præsidio fore tutos sperare possumus? offenso nostris peccatis Deo, & iam fulmine, Regni robora tangente? Affulsit spes non dubia, à salutari ope, quam nunc tulistis, in hoc caput Regni seruatum esse; vt reliquum corpus saluum ac incolume sit. Confirmate hanc communem spem, vestra gratia, qua plurimum apud summum Imperatorem valetis, nobis suffragante; vt cæteris in pace perpetua viuentibus; nobis etiam hos ludos Apollinares celebrare liceat; Quos nunc benignis oculis aspiciate, & lumen intelligentiæ vestræ, ad nostras mentes porrigite, ac tendite.

Spjse III.

40026

Ilz

096

QVÆSTIO DE ANGELIS

Ex I. p: Summæ Angelici Do-

ctoris quæst. 50. & sequ:.

Vtrum natura Angelica, à corpore & ab omni mortali concretionē soluta, atq; secundum totam suam substantiam intelligens; in primo creationis suæ instanti, per gratiam simul cum naturâ inditam, meruerit: & post primum instans, pars perseuerans in merito, præmium gloriæ acceperit: pars merito abrupto, peccatum in se admittens, damnationem subierit, necne?

CONCLUSIO I.

Natura Angelica est in rerum natura.

COROLLARIA.

1. Angelos esse, veritas est fidei, non demonstrationis.
2. Existentiâ Angelicâ principium habet, ac mensuratur 2uo.
3. Eodem momento cum mundo corporeo, vnius eiusdemq; Opificis operâ Angelos constituisse, ordo partium vniuersi persuadet.
4. In magno numero Angelos conditos esse, nota

uem ordines attestantur, ita vt materiales substan-
tias incomparabili excessu superent.

5. Tantam verò multitudinem, diuersitas secundum
speciem exornat, vt impossibile sit secundum mul-
tiplicationis modos nobis notos; Angelos, sub
vna specie multiplicari.

CONCLUSIO II.

Angeli à corpore, & ab omni concrectione mortali
sunt liberi.

COROLLARIA.

1. In Angelis non est materia, à qua ratio corporis
sumitur, quæq; rationem partis substantialiter
componentis subit.
2. Est tamen potentia permixtio, per quam à puro
actu segregantur, cum aliud sit in eis essentia &
esse, aliud subsistens & subsistentia.
3. Impossibile est Angelum vniri materiae aut cor-
pori substantialiter, licet contingat vniri vt mo-
torem.
4. Angeli à loco corporeo & motu physico absoluti
sunt, dicuntur tamen in eo loco esse, cui virtutis
contactu applicantur, & per diuersos contactus
diuer.

diuersorum locorum successiuè, motus eis com-
perit.

5. Angeli sunt entia necessaria physicè, & ab intrin-
seco immutabilia.

CONCLUSIO III.

Angeli sunt intelligentes secundum totam suam sub-
stantiam.

COROLLARIA.

1. Intellectionem Angelicam ab eius substantia
distingui ex natura rei, lumine naturali euidens est.
2. Angelus semper est in actu intelligendi, sed non
omnia simul intelligit, secundum rationes proprias.
3. Substantia Angeli est ei ratio ac principium co-
gnitionis sui, atq; ex ea assurgit ad cognitionem
Dei, in reliquis naturis tam communibus quam
singularibus, tam corporeis quam spiritualibus
cognoscendis utitur speciebus connatis vniuer-
salibus.
4. Animi sensus intimi, voluntatisq; affectiones,
sunt extra latitudinem obiecti naturalis cogniti-
onis Angelicæ, quemadmodum & mysteria gratiæ.

5. Potest tamen vnus Angelus arcānum cordis pate-
facere alteri, per voluntariam ordinationem pro-
prij conceptus ad intellectum ipsius.

CONCLUSIO IV.

Omnes Angeli, in primo instanti creationis suæ gra-
tiam acceperunt, & per eam meruerunt.

COROLLARIA.

1. Angeli prius fuerunt in via seu statu merendi & demerendi, quàm in termino.
2. Angeli ad merendum beatitudinem supernatura-
lem, indigebant supernaturali auxilio gratiæ.
3. Secundum gradus naturæ distributi sunt gradus
gratiæ, non ex debito, aut ex dispositione à parte
naturæ naturalisq; operationis, sed ex diuina vo-
luntate ordinante naturam ad gratiam.
4. Ad suscepcionem gratiæ nihilominus disposue-
runt se Angeli per actum supernaturalem liberi ar-
bitrij.
5. In primo instanti mereri poterant, peccare non ite.

CON-

CONCLUSIO V.

Post meritum in primo instanti à tota vniuersitate Angelorum inchoatum, pars perseuerans in merito, accepit præmium gloriæ, pars extincto merito per peccatum, excidit à beatitudine, & damnata est.

COROLLARIA.

1. Nulli Angeli naturâ mali fuerunt, sed aliqui per inordinatum amorem sui, veluti bonum suum sibi ipsi essent, à Deo auersi sunt.
2. In peccato Angelorum non fuit appetitio diuinitatis, nec vnionis hypostaticæ.
3. Boni vnico instanti viam suam, reprobis duobus concluderunt.
4. Æqualis tamen duratio viæ vtrorumq; fuit, tamdiu bonis, in suo vnico bonæ operationis instanti perseuerantibus, quamdiu mali duobus instantibus viam suam terminarent, quorum altero meruerunt, altero lapsi sunt.
5. Angeli beati non possunt proficere in beatitudine, neq; peccare; nec miseri per pœnitentiam à peccatis & pœnis liberari.]

CONSTITUTIONES

Faint, illegible text at the top of the page, possibly bleed-through from the reverse side.

COROLARIA

Faint, illegible text below the section header.

BIBLIOTH. UNIV.



JAGELLONICAE

Main body of faint, illegible text, likely bleed-through from the reverse side of the document.

Biblioteka Jagiellońska



stdr0016954

